

與宣和瓢印蓋天府本也第黯_靈不甚可別細翫其行
筆處亦似微蹇澀往往有楓落吳江之恨今年秋家弟
敬美購得一卷其大小行模相髣髴而結法特加適密
古雅墨氣如新又有太平公主胡書王涯僕射永存珍
祕二印越國公鍾紹京半印楮尾米友仁敷文鑒定以
爲隋賢書遂入紹興內府余竊謂二蹟皆自幼安臨出
特紹興之所入者佳而宣和之所藏當小次耳小米不
能別所以而槩以隋賢目之大似暗中摸索余良幸獲
再覲此希世之珍所小不滿者子雲奇跡遂以永絕令
人慨歎

弁州續藁

鍾太傅書自晉渡江時止傳宣示表百餘年間妙蹟已